



kat.komr
14011

III

Mag. St. Dr.

P

Mag. St. Dr.


alena

Wridt friderici: Micrologus Epithalamii.

PANEG. et VITAE

Polon. Fol.

N^o 54



MICROLOGVS EPITHALAMII

NOBILI AC FAMATO DOMINO,
D. ANDREÆ BELLI,
SPONSO,

&

LECTISSIMÆ VIRGINI,
MAGDALENÆ PIPHANOWNÆ:

SPECTABILIS AC GENEROSI DOMINI
D. GEORGII PIPHAN,
PROCONSULIS CRACOVENSIS, FILIÆ SPONSÆQ; DILECTÆ.

P E R

G. D. FRIDERICVM WRIDT, Oculistam Lithotomum Herne-
otomum: Primarium Regiminis, Illustrissimi D. D. Colo: & Cömen:
Cracouiensis de Kayserstein Chyrurgo-Medicum.

D I C A T V S,


E T

Lyrâ Pœmaticâ luci decantatus

EXPORRECTVS.

Anno à Christo Nato M. DC. LIX. Die 16. Februarij.

CRACOVIAE, In Officina SCHEDELIANA.

9. 



Alma Dies inuecta polo pulcherrima claro,
Non sueto curru rutilos induta colores,
De Thetidis regnis rediens aurora per astra
Regia, quæ Phœbum sequitur fulgore superbo
Exultans, spargensq; nouum nunc de axe nitorem:
Alta iacent vada Neptuni sinè fluctibus, atque
Spirant Æolidæ, suaues sinè murmure venti.
Bellerophontææ Vos per penetralia Phœbi,
Et ter sacrum Heliconæ precor! dicite, cur sic
Lætans more nouo insolitè natura reuixit?
Lætâ cur tristis media inter frigora Brumæ,
Ingenerans præcox protrudit germina fronte?
Sancti Vosque Sacerdotes, qui digna loquuti
Phœbo, declarate, noui quid voluitur orbe?
Odocti properate, Sophi, consulite astris:
Naturam lapsam arsque iuues (ô nata!) parentem!
Sed querulum audiêrat me mox Atlantius Hermes,
Vt quid, ait, quereris, mundo quod gaudia nata?
Siste gradum, lætumq; chorum circumspecte lætus,
Mox ubi conspexi, en! ter læta caterua Dearum,
Astabatq; cohors placidarum terna sororum,
Gaudia magna parans: Hymenæus at ille fauores
Distribuitq; faces **SPONSIS**, patefecit, & auxit,
Almos, quos pharetratus amor, celauerat ignes.
Lætantes aliæ thalamos pro foedere sancto,
Erexere piè Nymphæ inter Numina sancta,
Non mira mihi cernuntur gaudia mundi,
Alma quia hæc **SPONSIS** dederant pia fata Deorum.

Pergite

Pergite Vos Neo-nupta cohors in gaudia læti?
Ite cothurnati, per amæna, superbaque prata:
Precundi delicias colite, & redolentia Tempe,
Hæc est vestra dies, lætis celebrate camœnis.
At prodi Neo-**SPONSA**, Tuum **SPONSVM**que saluta,
Non contemne faces Genij, nec fœdera sacra:
Oscula, quæ tibi mille parat, cape pignus Amoris;
Virtutum (quando **SPONSVM**) compendia cernis.
Nomina clara gerit, longo de sanguine **BELLI**
Aut bellus, nam conueniunt hæc nomina rebus
Sol geminus quandoq; suâ sub fronte refulget,
Punico vultum roseum natura colore,
Ornârat, pario lapidi frons æmula, labes,
Nulla genis, candescunt ora corallina flammis.
Sunt animi quoque ei dotes, & dona Mineruæ
Alma Deæ; Fortuna fauet, natura venustat.
Votiuæ hæc sunt **SPONSA** tibi quid & amplius optas?
Inquiris fors plus, cum sit compendia rerum?
Virtutum **SPONSO** est, vigilantia summa **LEONIS**,
Alto quam refouet seruans in pectore charam:
Non tamen hunc timeas à Te domitum Hanno **LEONEM**,
Te vigil, & thalamum casto custodit honore.
Sed iam tempus adest, festum celebrare camœnis,
Est Hecate triuivm, Iunoque potentis Olympi,
Magnus Hymen castos, thalamos quos iussit amari,
Pandit: perpetuo iungit iam fœdere **SPONSOS**.
Et Vos læta cohors festiuos dicite plausus,
Rumpe moram ad dulces citharas Tymbræus Apollo:

Sunt tibi Parnasso Aonidum ter terna lotorum
Agmina, quæ veniant applaudere iubila festo,
Nostro. Pingat humum Chloris spargatq; virorem,
Inq; suis **SPONSI** spatientur olentibus herbis.
Affurgent suaues Zephyri quæ vela secudent,
Cedite Vos mœsti, tristisq; cohortis auerni
Fatales natæ, nectentes stamina in æuum
Eumenides **SPONSIS**. O! Tu doctissima turba
Lætum iam Pœana, veni, properaq; canendo
Illos lætitiæ cantus, Hymnosq; relinquens.
Castalias vndas, propera ad connubia casta;
Expectant **SPONSI**, vt lætæ modulamine suavi
Sicelides cantent, moueant & pectora cantu.
Pergite nupta cohors ad fœdera casta, & amores,
Est nunc læta dies, Amor ardeat igne perenni,
Restringat nullus socialia iura, resoluant
Eumenidum, haud citius, quàm cado Fata sepulchro.
Nulla Theonino rodant Vos sæcula dente,
Nostra hæc vota volunt, Vos viuere longa per æua.
Eia age turba, rosis, palmis, decorandaq; lauris
Nunc thalamum accedas, castosq; Cupidinis ignis.
Tandem stella redit quæ semper amantibus alma.
IO! viue **M**ihi, a **C**Domui, fe **LIX** que perenna!



Biblioteka Jagiellońska



str0025886

